



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Formularium Episcopale**

**Barbosa, Agostinho**

**Coloniae Agrippinae, 1680**

29. Super executione litterarum Apost. & declaratione Conc. Trid.

**urn:nbn:de:hbz:466:1-10456**

Ordinatiis, sive Commissariis, etiam causarum Palatii Apostolici Auditoribus & S. R. E. Cardinalibus, etiam de Later. Legatis, prædictarum litterarum, & constitutionum occasione super præmissis jam motæ sunt, necdum decisæ, aut finitæ, vel etiam quæ jam decisæ sunt, si modo tractum habeant successivum, easque rursus, & inter quoscunque excitari in posterum contingat, secundum prædictam dispositionem, nec aliter decidendas: futura verò dubia & difficultates, quandocunque & ubi- cunque orientur, ad nos & Sedem Apostolicam, ubi & cætera quæ ad decreta dicti Concilii pertinent, quotidie declarantur, omnino deferenda esse: necnon irritum & inane quidquid secus saper his per quoscunque scienter vel ignoranter contigerit attentari. Mandamus itaque in virtute sanctæ obedientiæ, præsentes ab omnibus ubique Episcopis, & locorum Ordinariis, necnon Ecclesiarum Prælatis, Rectoribus, Fratribusque prædictis, ac cæteris, ad quos pertinet, semper inviolatas observari. Non obstantibus præmissis, ac constitutionibus, & ordinationibus Apostolicis, necnon Ecclesiarum, Monasteriorum, Conventuum, locorum domorum, & Ordinum quorumcunque statutis, & consuetudinibus, privilegiis quoque, indultis, & litteris Apostolicis, etiam Mare magnum, & Bulla aurea nuncupatis, dictis Ecclesiis, Ordinibus, & Congregationibus quomodolibet concessis & con-

& confirmatis, quibus omnibus &c. illis alias in suo robore permanens, hac vice duntaxat specialiter, & expressè derogamus, cæterisque contrariis quibuscumque. Ut autem præsentes omnibus plenius innoscant &c. Nulli ergo omnino hominum licet hanc paginam nostræ Ordinationis, statuti, reductionis, abolitionis, abrogationis, decreti, mandati, derogationis, & voluntatis infringere, vel ei auctu temerario contraire. Si quis autem &c. Datum Romæ apud S. Petrum, anno Incarnationis Dominicæ M.D.LXXII. Kalend. Martii Pontificatus nostri anno primo

M. Datarius  
Cæs. Glorierius.

Super executione litterarum Apostolicarum: & declaratione Concilii Trid. sess. 24. c. 20. de reform.

## XXIX.

Part. 3. alleg. 81.

GREGORIUS Episcopus, servum servorum Dei, ad perpetuam rei memoriam.

AD Romani Pontificis providentia circumspectam pertinere dignoscitur, dubia super Sacrorum Conciliorum decretis pro tempore insurgentia, sic suæ declarationis oraculo dilucidare & interpretari, ut exinde litium dispensatio

dia inter fideles quoslibet valeant submoveri. Accepimus sanè nuper, quod licet multoties Romanus Pontifex, ut provisiores & gratia per eum de beneficijs pro tempore vacantibus, ac suæ, & Sedis Apostolicæ dispositioni & ordinationi reservatis, in favorem diversarum personarum sibi gratiarum & acceptarum factæ, executioni debitæ demandentur & ne (dum litteræ Apostolicæ sub plumbo desuper expidiantur) beneficia ipsa ab aliquibus indebet occupentur, aut aliqua in spiritualibus & temporalibus detrimenta sustineant, nonnunquam corporalem possessionem ipsorum beneficiorum & illis annexorum, juriūq; & pertinentiarū quomodo cunq; Sedis & Cameræ Apostolicarum nominibus apprehendi, ac omnes & quoscunq; fructus, redditus, & proventus beneficiorum & annexorum eorundem percipi, exigiri, & que integras personis prædictis, postquam ipsæ litteras sub plumbo expeditas haberent, una cum dicta possessione consignati, quandoq; verò dū litteræ sub plurabō hujusmodi expeditæ existunt, ut jus suum unicuique illorum conservetur, & temerari um audacia debita castigatione compescatur, ac ipsæ litteræ Apostolicæ facilius debitæ executio- ni, ut pat est, demandentur, provisos de beneficijs in corporalem, realem, & actualē possessionem beneficiorum, & annexorum, juriūque, & pertinentiarū prædictorum, induci, & inducitos in ea manuteneri, amotis quibuslibet intrusis detentoribus ab

eisdem, aliaque fieri & exequi per diversas suas in forma Brevis, & & sub annulo Piscatoris confectas litteras mandet, & præcipiat, certis ini- bi modo, & forma tunc præscriptis, dilecto filio causarum Curiæ Cameræ Apostolicæ generali Auditori, seu alijs executoribus desuper deputatis, qui- bus omnino parentum esset. Nihilominus nonnulli beneficiis prædictis inhiantes, ac gratias prædictas elude- re, eorumque intrusiones & deten- tiones improbè tueri satagentes, exe- cutionem litterarum in forma Brevis hujusmodi, & facultatem per eas ipsis executionibus attributam, di- versis dubijs & cavillationibus remo- tentur, & processus per eosdem exe- cutores desuper habitos, & forma- tos, ac inde secuta quæcunque nulla & invalida, nulliusque roboris vel mo- menti esse, neque attendi debere contendunt, sub prætextu, quod in decreto Sacri Concil. Tridentin. *sess. XXIV. c. XX.* dispositum fuerit, quod causæ omnes ad forum Ecclesiasti- cum quomodo libet pertinentes, etiam si beneficiales sint, in prima instantia coram Ordinarijs locorum duntaxat cognoscantur, exceptis his, quæ juxta Canonicas sanctiones apud Sedem prædictam sunt traditæ, vel quas ex urgenti rationabilique causa judicaverit Summus Pontifex Ro- manus per speciale rescriptum signa- turæ suæ, ejusmanu propria subscri- bendum, committere, aut avocare. Verū cum decretum hujusmodi Concilij constitutionem prædictarum

Bb 3

litte-a

litterarum in forma Brevis, & illarum executionem nihil afficiat, neque per illos causa, seu instantia introducatur, sed merè executive procedi mandetur, litteræ quoque in forma brevis, annulo Piscatoris munitæ, non minoris sint efficacia & auctoritatis, quam rescriptæ signaturæ Rom. Pont. ejus manu propria subscripta: Nos in his nostræ debitiæ declarationis cautelam adhibentes, ac provisorum prædictorū jus adversus dubia, & cavillationes hujusmodi æquitate & justitia suadentibus præservare volētes, necnō prædictarū, & quarumcunque litterarum in forma Brevis super capienda possessione nomine Camera hujusmodi, aut in favorem litterarum sub plumbo expeditarū tam à prædecessoribus nostris, quam à nobis, & dicta Sede haetenus concessarum, tenores, ac litis, & causæ, si quæ desuper executæ sint, statum & merita, nominaque & cognomina judicium executorum, & colligantibz præsentibus pro sufficienter expressis habentes, Mo. proprio, non ad ipsorum provisorum, aut aliorum nobis pro eis super hoc oblatæ petitionis instantiam, sed ex certa scientia, ac de mera nostra deliberatione decernimus & declaramus, per concessionem litterarum in forma Brevis, & sub annulo Piscatoris super capienda possessione quorumcunque beneficiorum dispositioni Apostolicæ reservatorum seu affectorum, Sedis & Cameræ Apostolicarum nominibus apprehendenda, & ejusdem possessiōnibus in favorem provisorum ab ipsa Sede de eisdem beneficiis postquam lit-

teras sub plumbo super provisionibus hujusmodi habuerint expeditas, relatione, necnon assistentia ipsis provisis litteras desuper sub plumbo expeditas habentibus, præstanta, & aliorum inibi expressorum executione facienda, quæ mandata executive sunt, & summariam dumtaxat causarum, propter quas illæ emanarunt, cognitione requirunt, decretas Concilii hujusmodi non contraveniri, nihilq; præjudicij illis inferri, vel eorum formam in aliquo violari, neque id dici aut censi, vel executionem litterarum earundem propterea in aliquo suspendi sive remorari, aut facultatem litterarum executionibus concessam impedi, sed executores ipsos, & ab eis deputatos subexecutores, facultate sibi per easdē litteras, ut præfertur concessa, ut, frui, gaudere, & contra illis non parentes ad declarationem incursus pœnarum & censurarum, in eisdē litteris in forma Brevis cōtentarū ac invocationē brachii sacerularis procedere, ac alia omnia ut singula in eisdem litteris contenta (illarum tamen forma servata) facere & exequilibre & licite potuisse, & posse, necnon processus desuper habitos & formatos, habendosque & formandos, ac inde secuta & sequenda quæcunque firma, valida & efficacia fuisse, & esse, & fore, suosque integros & plenarios effectus sortiri, debere in omnibus & per omnia: Præsentes quoque litteras de subreptionis, vel obreptionis vito, aut intentionis nostræ, vel quopiam alio defectu notari impugnari vel invalidari nullatenus possunt; sicutque in præmissis omnibus & singulis per quocunque

que judices & commissarios &c. Districtus inhibentes in virtute sanctae obedientiae omnibus & singulis cuiuscumque status &c. etiam Cardinalatus honore fulgentibus, & quavis saeculari potestate fungentibus, ne decreto & declarationi nostris praedictis, quo vis quaelibet colore directe, vel indirecte contravenire audeant, vel presumant. Et nihilominus universis & singulis nostris & dicta Sedis Nuntiis, ac locorum Ordinariis eorumque Officialibus praecipimus, quatenus ipsi, & eorum singuli per se, vel alium, seu alios, praesentes litteras, & in eis contenta quaecunque, ubi & quando opus fuerit, & quoties pro parte provisorum, & executorum, & subexecutorum praedictorum, seu quarumcumque aliarum personarum in praemissis interesse habentium, vel alicujus ex eis fuerint requisiti, solemniter publicantes, eisque in praemissis efficacis defensionis praesidio assistentes, faciet auctoritate nostra praedictos provisos, & executores, & subexecutores, seu alios in praemissis interesse habentes, eorumque singulos, decreto, declaratione, inhibitione & aliis praemissis pacifice frui, & gaudere, ac praesentes litteras, & in eis contenta hujusmodi ab omnibus, quos illa concernunt, & concernent, quomodo dolibet in futurum, in violabili observari non permittentes aliquem desuper contra illarum tenorem quomodo libet indebet molestari. Contradictores &c. Non obstantibus feli-  
rec Bonifacii Papae VIII. predecessoris nostri de una & in Conc. generali edita de duabus dietis (dummodo ultra

tres dietas aliquis auctoritate praesentium ad judicium non trahatur) aliique Apostolicis &c. Datum Romae apud S. Marcum sub annulo Piscatoris die X. Iulii M.D.LXXIV. Pontificatus nostri anno tertio.

Cæl. Glorierius,

---

Revocatio quarumcumque licentiarum ingrediendi monasteria, & loca Monialium, & virorum cujusque unque Ordinis; & prohibitio utendi licentias ab Episcopis, vel Superioribus concessis pro casibus necessariis, nisi in necessitatibus urgentibus.

### XXX.

Part. 3. alleg. 102.

GRÈGORIUS Episcopus, servus servorum Dei, ad perpetuam rei memoriam.

**V**bi gratiae & indulta ab hac Sede concessa, successu temporis incommodum afferre noscuntur, expedit illa salubri Præsidentis consilio submoveri. Proinde Sanctimoniali quieti, & tranquillitati consulere, ac omnia quæ illas à spiritualium rerum cogitatione, & exercitio avocant impedimenta tollere, periculaque & scandala ab eis removere capientes, & auctoritate praesentium revocamus, & abolemus omnes & quascunque licentias ac facultates ingrediendi monasteria, omnes & loca Monialium, etiam virorum quorumvis Ordinum, qui-

bisvis